

洞天奧旨卷之六

山陰陳士鐸敬之甫號遠公著

曾孫陳鳳翔校

食積陶式玉尚阜甫號存齋評

之孫增方潤撰

胸乳上發

胸乳上發者發于或中神藏靈虛等穴也其穴俱屬足少陰腎經其症多心懸若飢飢不欲食舌乾咽腫乃心熱而不能下交于腎以致腎經之氣遏抑于外故生癰瘍于胸乳之上偏也有生于左者有生于右者甚則左右俱生皆

腎水不能濟心火也必須大補其水而佐之內疎心火之藥則水生而火毒易散也倘不早治則毒攻于心去生便遠矣

十州散 巫真君傳治胸乳上生癰

人參 二錢 熟地 二兩 山茱萸 三錢 生甘草 二錢

遠志 二錢 麥冬 一兩 金銀花 一兩 茯神 三錢

黃連 一錢 蒲公英 四錢 水五碗煎服八分連服數劑

自散

相仁散 治婦人裡外吹乳

相子核一歲

一歲一陰陽弄
焙乾枯爲末

陳酒熱送下卽蓋被出

汗而愈

胸發

胸發者發于玉堂臆中中庭鳩尾之四穴也又有發于胸
者名曰井疽此症初起如豆肉色不變必須早治若不早
治下入于腹必至死矣属任脉之經絡四穴在心之外郭
凡邪不可犯心一犯心輒死夫臟腑邪遠苟若犯心尚有
下堂之走豈四穴逼近心君而反得逍遙無慮乎自然直
入臟中亦勢之甚便而甚利也卽曰經終專屬任脈然任

脈名陰脈之海周流諸陰循環無已一有癰毒則陰不能
行況未生癰之前亦因陰脈不行而火毒乃結聚不散以
致成癰矧既已生癰又何望其周流諸陰而無滯耶自然
滯者益滯而結者益結矣苟不速爲星散則火毒歸心死
亡頃刻

救心敗邪湯 巫彭真君傳治正胸生疽

人參 一兩 茯苓 五錢 麥冬 五錢 熟地 一兩

山藥 一兩 芡實 一兩 甘菊花 五錢 芍藥 五錢

忍冬藤 二兩 遠志 三錢 天花粉 三錢 王不留行 三錢 水數

碗煎一碗一氣飲之火毒不結而散矣二劑必愈
倘已潰爛必須多服始愈

額發

額發者發于額上攢竹之穴也夫曲差攢竹雖屬太陽之
經然近于督脈之旁亦陰陽雙合之處也初發之時必然
頭痛憎寒惡熱項似拔腰如折正顯太陽之症然太陽膀
胱與少陰腎經爲表裏之臟腑也發太陽之火卽顧少陰
之水則膀胱不燥內有滋潤自易發汗汗出而火毒隨之
而盡散于表矣否則單以托表爲事倘陰虛之人禁再發

其汗平吾恐因汗而愈虛反不肯遽消其火毒耳

藤葛散

巫彭真君傳治額上生癰

忍冬藤

二兩

麻黃

一錢

茯神

三錢

香附子

二錢

白芷

二錢

當歸

一兩

川芎

一兩

蒲公英

五錢

乾葛

三錢

天花粉

三錢

水數碗煎一碗食後服初發

者二劑卽散如陰虛之人此方不可用另用轉敗

湯

兩脇雙發

脇發者發于期門章門之穴也古名敗疵謂是疥之疾其

實男女皆有之或發于左或發于右此足厥陰肝經之部位也然亦有上至淵液輒筋之穴者雖二穴屬足少陽膽經然肝膽爲表裏肝病必及膽故不可舍肝而治膽也夫膽多氣少血肝多血少氣總宜氣血雙補決不可猛浪用熱劑也天下人惱怒居多一有拂拂便即動氣兩脇脹滿因而成癰癰生于皮外者猶癰之輕者也更有生于脇之內者夫脇內生癰古人未談世多不信誰知脇痛而手不可按者肝葉生癰也肝之生癰半成于氣惱半成于憂鬱憂鬱而得之者其病緩氣惱而得之者其病驟憂鬱氣惱

皆能燥乾肝血肝血既乾則肝血大燥無血養肝而憂鬱
氣惱之無已欲不蘊結憤恨而成癰烏可得乎但癰生于
內不可見也而外則可徵其脇之外必現紅紫之色而痛
亦必在左而不在右其舌必現青色世有脇痛數日輒死
者正因生癰毒敗而死治之法以平肝爲主而佐之瀉火
去毒之味萬勿因循時日令其內潰而始救之卒至于無
功也有脇下生疽者在于京門帶脈之穴間痛癢徹心如
針刺之痛漸潰至臍者死初腫脇不能轉動面垢百節骨
痛痛則連心又名傳心疽治法亦照治脇癰治之

化肝消毒湯

岐公傳治兩脇脹滿發寒發熱痛極

生癰

白芍 三兩

當歸 三兩

炒梔子

錢五

生甘草

錢三

金銀花

五兩

水煎服十劑愈

錦草湯

伯高太師傳治脇上生癰并治肝癰

白芍

一兩

當歸

一兩

炒梔子

錢三

生甘草

錢五

錦地羅

一兩

水煎服數劑愈

宣鬱化毒湯

岐公傳治脾鬱生脇癰

柴胡

二錢

白芍

一兩

香附

二錢

薄荷

二錢

當歸 一兩 陳皮 一錢 枳殼 一錢 天花粉 二錢

生甘草 三錢 金銀花 一兩 水煎服十劑愈

金銀平怒散 伯高真君傳治脇痛生癰

金銀花 二兩 白芍 五錢 當歸 一兩 柴胡 一錢

白芥子 三錢 生甘草 三錢 炒梔子 三錢 丹皮 三錢 水煎服

一劑即消二劑全痊

流注發

流注發者即子母之發也。先發于背，後流串散走于四肢。或來或去，無有一定之部位。此等瘡瘍多是陽疽，蓋風熱

之毒也如母之生子輾轉靡已本太陽風熱所生倘能直攻太陽用去風去火之劑而兼散其毒何至流串于四肢乎惟其因循失治或治之不得法使餘毒未淨邪氣逆傳于脾流于臂臂手足遂成不可療也

攻邪過流湯

巫彭真君傳治子母流注瘡毒

升麻 一錢

當歸 五錢

黃芩 二錢

栝蒌 二錢

金銀花

一兩

炙甘草

二錢

連翹

三錢

秦艽

二錢

蒼耳

一錢

馬蘭根

一錢

牛膝

一錢

牽牛

一錢

水三碗

煎八分半飢服數劑自愈

環項發

環項發者發于頸也。環頸圍項無一空隙地。完膚甚則癰大赤黑。俗名落頭癰。靈樞所言天疽也。必須急瀉其火。蓋頭頸乃手足少陽經穴。而又足陽明之經穴也。不急瀉三經之火。則火束于頸項咽喉之間。其熱不能急散。則熱毒必下走淵液。將從外以入內也。及至入內。則前傷任督內熏肺肝。發熱發寒。拘攣悶亂。恐怖不食。有至十餘日而卽死者。可不慎乎。故必須及早治之也。

釋項飲

巫彭眞君傳治環項生癰瘡

白芷 一錢
葛根 一錢
柴胡 一錢
川芎 三錢

桔梗 三錢
生甘草 二錢
山豆根 一錢
麥冬 三錢

天冬 三錢
紫蘇 一錢
紫花地丁 五錢
天花粉 二錢

蒲公英 五錢
水數碗煎一碗服初發者用數劑即散

必須此方早治為妙

腎陰發

腎陰發者發于腎囊乃生于囊之下糞門谷道之前乃任
腎脈所起之處也俗名囊癰若生于陰囊左右橫骨陰廉
之穴者則名便毒便毒易治而囊癰最難治也以囊之下

皮肉與他處迥別蓋他處皮肉或橫生或直行俱易生肌
惟懸癰之處橫肉中有直理也直理中有橫紋也最難合
口一有損傷不易收功此處生癰雖因濕熱然皆貪色好
酒以成之也夫貪酒好色亦人之常也節飲戒色安在不
可收功乎不知腎囊乃衝任脈所會之處又諸筋所聚之
處也其囊空虛最易凝聚氣血故易腫易大所以艱于收
功耳症重者多胞腐有腐爛而止存睪丸亦有俱腐落而
不死者以用藥明理之善也方用逐邪至神丹最奇已夫
潰俱可用若八仙丹雖亦神奇然止可用之于囊癰未潰

之前而不可施之已潰之後也

逐邪至神丹 治便毒初起或左或右并治囊癰

金銀花 四兩 蒲公英 二兩 人參 一兩 當歸 二兩

生甘草 一兩 大黃 五錢 天花粉 二錢 水煎服一劑即消

二劑全愈

八仙丹 治囊癰

大黃 二錢 金銀花 四兩 當歸 一兩 玄參 一兩

柴胡 三錢 炒梔子 三錢 黃柏 三錢 貝母 三錢 水煎服

一劑輕二劑全愈若已出毒此方不可用矣

張真人傳治便毒方

大黃

一兩

當歸

一兩

金銀花

二兩

蒲公英

一兩

水五碗

煎八分空腹服一劑即消

鬼真君傳治騎馬癱初起神效

金銀花

八兩煎水二碗入

大黃

一兩

車前子

五錢

當歸

一兩

牛膝

三錢

地榆

五錢

生甘草

五錢

煎半碗

空腹服之服即睡睡醒病如失不睡熟亦不妨過

一日微瀉而愈奇法也忌房事一月

對臍發

對臍發者發于背下命門之穴也命門之穴正與臍對夫
命門爲十二經之主宰主宰不明則十二官危矣況生癰
疽則命門之中無非邪火又安有生機哉不知命門之中
原藏真火真火衰而後邪火之毒始得寓于內矣然真火
喜居穴中而邪火喜發穴外命門之外生癰疽正邪火外
出也治之得法轉有生機不比腎俞之生毒也雖然邪火
雖出于外而真火非水以養之則正火益虛邪火未必不
出于外者仍入于內况邪火熾盛亦須以水折之非大補
其水則邪火不散邪火不散則毒亦難消况命門之穴又